



nr. 79 (februari 2004)



Mi a cuminsa na aña 54 cu e prome directiva di carnaval, na aña 64 mi a bira presidente di Central Carnaval Comite y 19 di November aña 66 mi a funda S.A.C. Fundacion di Carnaval Arubano y como presidente mi a keda for di 1964 te cu 2001 mi a dirigi Carnaval pa 38 aña, awor aki mi a wordo nombra como presidente Honorario, y mi ta hopi agradecido y awor mi ta mira mi Carnaval masha trankil mes.

Mi ta admira e carnaval cu dia pa dia e ta crece mas. Pa e aña aki mi ta mire cu ta bai na grandi, hopi bon.

Durante tur e tempo cu mi tabata dirigi e Carnaval mi ta kere cu mi a dirigi cu hopi smak, mi ta kere cu un hende mester gusta kiko e ta haci y mi ta gusta carnaval for di chiquito mi ta den carnaval, mi ta gusta fiesta y esei a inducimi pa mi bai den carnaval.

Mi ta corda e difunto Janchi Arends a puntrami si mi kier bira presidente di Carnaval y mi a bise pakiko no, si e ta bon y asina mi a tuma e responsabilidad cu hopi amor.

Mi a biba hopi experiencianan durante tur e añanan aki, pero un cu mi ta recorda ta un di e prome eleccionan di reina na San Nicolaas na unda e pueblo no tabata di acuerdo cu e decision di jurado y nan a cuminsa tira cu piedra y boter.

Te cu e gobernador Wix a tuma e microfon for di e maestro di ceremonia e tempo ey Janchi Tromp y a cuminsa papia cu e hendenan y mas boter cu piedra tabata bula, anto mi a decidi di kita e microfon for di su man y mi a bisanan; sigui tira boter y piedra, sigui tira bacanan y asina nan a stop.

Un tempo ora e parada grandi a caba na playa nos tabata tin e costumber di anuncia e ganadornan e tempo ey na Trocadero, mi tabata anuncian-

do e ganadorna y un persona den publico a tira un boter, mi a weite y mi a hala pe, pero e persona mi tras a haye den su curpa nada grave, parti di cosnan cu sa pasa.

Mi a haya hopi zundra, y hopi elogio tambe, pero mi ta sintimi orguyoso di tur e exitonan y di por a contribui cu e crecemento di Carnaval di Aruba, mi ta contento cu e Carnaval ta sigui.

Pa Carnaval 50 mi ta prepara caba pa mi miré dilanti di porta di cas cu tur mi trankilidad cu mi famia. Mi a cana hopi aña, mi por a goza y disfruta tur lo ke Carnaval por tabata tin durante tur e añanan y awor a yega ora pa mi sinta mira otronan sigui traha y otronan sigui disfruta den e Carnaval.



SORENTO

Afl. 55.500



KIA MOTORS

★ **STAR MOTORS CO N.V.**



Fergusonstraat 39, Dakota, Tel: 5821505 Fax: 5821110